

Nedenstående høringsvar er oversat fra dansk til grønlandsk.

Sendt: 15. oktober 2012 09:55

Til: Government of Greenland; Officiel post til Bureau of Minerals and Petroleum

Emne: Høringsvar vedr. London Minings mineprojekt i Isua

Namminersorlutik Oqartussat

Aatsitassarsiorne pillugu Aqutsisoqarfik, Postboks 1015, 3900 Nuuk

Mail-ikkut nassiunneqarpoq: [info@nanog.gl](mailto:info@nanog.gl) aamma [bmp@nanog.gl](mailto:bmp@nanog.gl) Ulloq 15.10.2012

Tusarniaaneq pillugu akissuteqaat London Mining – Isua-ni saviminissarsiorfissaq pillugu pilersaarummut Qugssuk-mi Nuup Kangerluata qinnguani sersersuullu nalaani pisussamut.

**Pitsaasumik akisussaassuseqartumillu aatsitassaatsinnik piiaaneq.**

Innuttaasutut isumalluarnarpoq, Namminersorlutik Oqartussat "assaap illuanik" ukiuni kingullerni 20-30-ine erngup nukinganik nukissiorfiliortitersimanagerat nunatta ilarujussuanik nammaneqarsinnaasumik ataavartumillu sarfamik pilersuisunik mingutsitsinngittunik, soorlutaaq suliamik suli ineriartortitsinissamik/sanaartortitsinissamik kissaateqartut nunatsinni sumiiffinni assigiinngitsuni taamannak nukissiorfiliortiternissamik diesel-imik orsussalinnik nukissiuutinut taartaasussanik.

Ilutigitillugu ukiuni kingullerni 20-30-ine siuttunit akisussaasunit tusakattuarparput nukissioriaaseq taannarpiaq nammineq nammassinnaasoq ataavartorlu imermik aallaavilik ineriartorfissaasoq, aatsitassaatsinnik piiaaneq nunatta siunissami aningaasanik isaatitsivissaattut pitsaasumik akisussaassuseqartumillu pilersuegataalerpat, erngup nukinganik sarfaliarfissanik periarfissat nunatsinni annertoqimmata.

Taamaattumik innuttaasutut nakeriallannarpoq innuttaasunik ataatsimiititsinerni tusartinneqarluni FN-ip aaqjissuusaanik COP 18-imi nunarsuarmioqatigiit avatangiiseq pillugu isumasioqatigiinnissaarsuanut atatillugu Kalaallit Nunaata avataaniitinniarneqarnera. Tunngavilersuutigineqarpoq Kalaallit Nunaat maanna "assaap aappaanik" killilersorneqanngitsumik avatangiisimik mingutsitsinnaasariaqartoq sulianik annertuunik pilersaarutit aatsitassarsiornermik aallaavillit pilersinneqalerpata Nunatsinni pinngortitarsuarmi kusanaqisumi.

Tamanna London Mining-ip qinnuteqaataanut tarrarsornarluinnarpoq, tassani ilisimatitsissutaalluni aatsitassarsiorfissamik pilersaarutillit siunertaqartut ikummatissat atorlugit ingerlanniarneqarneranik nukissiorfinnik mingutsitsisunik, tassani tunngavigineqarluni London Mining-ip immineerluni misissuisimanera, erngup nukinganik innaallagissionnissamut periarfissaq "mikivallaarnerarneqarluni" sumiiffimmi pineqartumi. Apeqquut taannarpiaq aamma saqqummerpoq tusarniaalluni ataatsimiititsinermi, tamassuma eqqortuunera nalorninartinneqarlunnarluni, misissuinerup allap takutimmagu erngup nukinganik nukiliorfiusinnaasup periarfissap annertunerujussuunera.

London Mining paasissutissiivoq issittumi atorneqartartup diesel-ip annertussuserissagaa ukiumut 210 mill. liter. Ukiuni 15-ini sivilunerumiluunniit.

Atuinissap ukiumut annertussusersua takorlooruminarsarniarlugu assersuunniarlugulu Nukissiorfimmiit tusagassiuutitigut nalunaarut nassaarisimavara Ilulissani nukissamik innaallagialiornerup, atuinerup tunisassiornerullu takussutissartaa.

Tusagassiuutitigut nalunaarutitigut ersarippoq Ilulissat 2013-imi erngup nukinganik innaallagissiornermut ikaarsaassasoq, ullumikkullu illoqarfimmi diesel atorlugu nukissiorfiup ukiumut diesel 6 million liter atortaraa.

London Mining-ip paaaviani ikummatissaq atorneqarlunilu mingutsitsissaaq avatangiisimik Ilulissat nukissiorfianut sanilliullugu ukiumut 35-eriaammik annertussusilik, ukiumut Ilulissat atuisarnerata pingasoriaataanik, qaammammut atuisassalluni.

Diesel-imik atuinermi pinngortitatsinni pinningaaqisumi akuerineqarsinnaanngitsumik mingutsitsisoqassaaq, ilutigitillugu akueriuminaatsumik annertuumik ulorianartorsiorfissisoqassalluni, ikummatissap assartorneqarnerani Qugssuup qinnguanut umiarsuarnit orsussamik assartuutinit 30 million literimik diesel-imik usinnaasunit. Qinnuteqaat naapertorlugu kangerluup iluanut assartuineq ukiumut aqqaneq marloriarluni pisassaaq (12)/qaammammut ataasariartarluni.

Nunap inatsisai naapertorlugit tamanna inatsisip oqariartuutaanut unioqqutitsineruvoq, nukiliorfianissaanik pitsaanerpaaq (mingutsitsinnginnerpaarluni) periuseq atorneqaqqummat.

Taamaattumik kissaatiginarpoq London Mining allallu pisussaaffilerneqassasut, aatsitassarsiornissamik pilersaarusioqquneqarlutik pingaartumik piffissalersuineq aningaasaqarnerlu eqqarsaatigalugit nunatsinni oqartussat qanimut suleqatigalugit, taamaaliornikkut siunertaassalluni aatsitassarsiorfissat pineqartut erngup nukinganik pissarsiarineqarsinnaasumik atuilluni ingerlanneqassasut. Taamaaliornikkut qanorluunniit ukiut amerlassusillit atorlugit ingerlatsisoqassagaluarpat, erngup nukinganik nukissiorfiit tamassuma kingorna nunatsinnit iluaqutaasussanngorlugit nukissiorfissanngorlugillu piumaartussanut allanut aatsitassarsiortut paaavitsik salereerlugu qimareerpassuk.

Taassuma saniatigut qanoq pisoqaraluarpalluunniit kissaatiginarpoq aatsitassarsioqatigiit piumaffigineqassasut aningaasatigut naammattumik sillimasiinissaat sanaartulersinnatik, Namminersorlutik Oqartussat atorsinnaajumaagaanik salineq akuersaarnartumik naammaginartumillu pisimangippat, paaasoqarsimaneranit paaaviullu qimanneqarnerani.

Inussiarnersumik inuulluaqqusillunga

Peter Oluf Holm Meyer

Postboks 722

3900 Nuuk